



# Letsatsi la Ditshwanelo tsa Botho

Arnold Mushwana  
Thulisile Shongwe



---

Letsatsi la Ditshwanelo tsa Botho le  
ketekiwa mo Aforika Borwa ka 21  
Mopitlwe ngwaga le ngwaga.


Bukakanelo e, e ka ga hisitori ya  
botlhokwa jwa letsatsi le.



Ka nako ya puso ya tihaoele, bantsho ba Aforika Borwa ba ne ba gateletswe.

Batho ba ne ba lwa kgatlhanong le tihaoele le melao ya teng ya kgatelelo. Ba ne ba lwela kgololesego le ditshwanelo tsa tekatekano.

Ka la 21 Mopitlwe ngwaga le ngwaga, naga e gopola balwelakgololesego.



Ka 21 Mopitlwe ka 1960 baagi ba Sharpeville le Langa ba ne ba tseba megwantong.

Ba ne ba lwantsha melao ya kgatelelo ya puso ya tihaoelele. Ba ne ba gwanta kgatlhanong le 'molao wa dipasa'.


"Maatla! A rona! Maatla go batho!" bagwanti ba goa.



Kwa Sharpeville, ba ne ba opela mme ba gwanta ka kagiso go ya kwa seteišeneng sa mapodisa.

Fa mapodisa a bona setlhopha sa batho, ba ne ba tlasela bagwanti.

Batho ba tshaba, bangwe ba ne ba gobala. Bangwe ba ne ba latlhegelwa ke matshelo.



21 Mopitlwe kwa tshimologong e ne e itsege jaaka Letsatsi la Sharpeville.

Letsatsi la dirwa la boikhutso morago ga ditlhopho tsa 1994 tsa temokerasi.

Naga e gopola balwelakgololesego. Ke tsela ya go ba leboga.



Aforika Borwa e na le molaotheo wa temokerasi. Bakwadi ba molaotheo ba ne ba batla gore batho botlhe ba tlotle ditshwanelo tsa botho.

Molaotheo wa Aforika Borwa o ala ditshwanelo le melao ya baagi botlhe. Batho botlhe ba na le ditshwanelo tse di tshwanang.



Ngwaga le ngwaga ka 21 Mopitlwe, dikolo le  
diofisi di a tswalwa.

Ke letsatsi la go keteka ditshwanelo tsa botho.  
Ke letsatsi la go keteka tekatekano.

Batho ba keteka le go tlotla letsatsi le ka ditsela  
tse di farologaneng.





Bana ba ka keteka letsatsi le ka go bua ka ditshwanelo tsa bona.

Ee, bana le bona ba na le ditshwanelo!


Ditshwanelo tsa bana ke tse di kgethegileng, tsa batho ba dingwaga tse di ka fa tlase ga 18.



Bana botlhe ba na le ditshwanelo tse di lekanang. A o itse ditshwanelo tsa gago? "Tshwanelo ya go tlhokomelwa," Ntombi a rialo.

"Tshwanelo ya go nna le leina!" Nsuku a goa.

"Tshwanelo ya go nna mo nageng ya me, kgotsa naga nngwe le nngwe," Shadrack a rialo.



“Tshwanelo ya go babalesega,” Melanie a bua jalo ka kwa morago.

“Tshwanelo ya thuto,” Arnold a rialo.

“Tshwanelo ya go SE utlwise botlhoko kgotsa go sotlakiwa,” Nhlayiselo a rialo.



Tse ke dingwe tsa ditshwanelo tsa bana.

Re na le ditshwanelo mme e bile gape re na le ditiro. Re na le ditshwanelo le maikarabelo.

Ke maikarabelo afe a bana ba nang le ona?

“Maikarabelo a go thusa kwa gae,” Ann a rialo.



“Maikarabelo a go tlhokomela mmele le thaloganyo ya me le go nna le pholo e e edileng,” Nsuku a rialo.

“Tiro ya go tshola ba bangwe ka moo re batlang go tsholwa ka teng,” Cheyeza a rialo.

“Maikarabelo a go dira ka natla kwa sekolong,” Mixo a rialo.



“Maikarabelo a go tlotla ditshwanelo tsa ba bangwe,” Lerato a rialo.

Mongwe le mongwe wa rona o na le maikarabelo a go tlotla ditshwanelo tsa batho ba bangwe.

Batho botlhe ba a lekana.

Letsatsi la Ditshwanelo tsa Botho ke ka ga kgololesego le tekatekano go botlhe.

## —Dipotso

1. Goreng 21 Mopitlwe e le letsatsi la boikhutso mo Aforika Borwa?
2. Ditshwanelo tsa botho ke eng?
3. Naya dikao tse tharo tsa ditshwanelo tsa bana.
4. Batlisisa ka ga Molao wa Ditshwanelo wa Aforika Borwa. Kwala lenaane la ditshwanelo.

## —Dibuka tse di mo motseletseleng o

- Letsatsi la Poelano
- Letsatsi la Kgololosego
- Letsatsi la Ngwaoboswa
- Letsatsi la Ditshwanelo tsa Botho
- Letsatsi la Basadi
- Letsatsi la Badiri
- Letsatsi la Bašwa



---

Kanelo e tlhamilwe le go kwalwa ka puo ya Xitsonga, jaaka karolo ya porojeke ya didirswa tsa go buisa ya Zenex Ulwazi Lwethu ya 2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA  
INSTITUTE FOR  
EDUCATION AND  
RURAL DEVELOPMENT



World Change Starts with Educated Children

Your attribution should include the following:

Title: Letsatsi la Ditshwanelo tsa Botho

Author/s: Arnold Mushwana

Translator/s: Lorato Trok

Illustrator/s: Thulisile Shongwe


Assurer/s: Dineo Moatshe, Opelo Thole

Language: Setswana



© Zenex Foundation - Saide 2023

CC BY includes the following elements:

BY  - Credit must be given to the creator

